

102

DE  
IURE  
NATURALI  
EXERCITATIO,

*Quam*

*BENEVOLO AMPLISSIMI COLLEGII  
PHILOSOPHICI INDULTU,*

IN ILLUSTRIS SALANA

*Publicæ Eruditorum disquisitioni submitunt*

M. PAULUS MARTINUS  
SAGITTARIUS,

Jenensis,

&

TOBIAS ~~Mahn~~ / Altenburgensis,

*ad d. Martii*

H. L. Q. S.

J E N Æ,

Literis JOHANNIS VVERTHERI,

ANNO M. DC. LXVIII.

5



Q. B. V.

§. I.

**D**E Jure quando agit Philosophus V. ad Nic. c. 10. dividere id solet in *simpliciter tale* vel *Politicum*, & in id, quod *secundum quid & juxta similitudinem* tale est. *Politicum*, quò omnia jura & naturale & positiva, quibus homines in civitate degentes inter se invicem utuntur, denotantur, in duas iterum distribuit species, *naturale & legitimum*, vel, ut Grot. l. 1. de J. B. & P. c. 1. n. 9. vocat, *constitutum*, sumtò divisionis fundamentò à causâ juris efficiente, quæ est vel natura, vel homines, cùm aliud jus naturâ, aliud hominum voluntate atque arbitriò habeatur constitutum. De *naturali* nostra hâc vice erit tractatio.

II. Antequam verò ipsam Juris naturalis essentiam evolvamus, de ejusdem Homonymia & Synonymia quædam lubet præmittere. Constat verò illud, quod considerandum fuisse, ex diversis vocibus, quarum singulæ suis non destituuntur ambiguitatibus. Quod itaque vocabulum *Juris* attinet, id esse æquivocum, suò jam tempore pronunciavit Aristot. 1. M. M. c. 34. Ut varias Juris acceptiones silentiò nunc prætereamus, sufficiat nobis illam Juris adduxisse significationem, quâ accipitur pro *lege* largius paulo sumta hâc voce, & *est regula vel norma actuum moralium, obligans ad id, quod rectum est*. Interea cupidum talium lectorem reinmittimus ad Petr. Gassendum, qui in suâ Philosophiâ Morali partim ex Scholasticis, partim ex vetere Philosophiâ vocem Juris solidè explicavit. Conferatur & Suarez l. 1. de LL. c. 2. Lud. Molina, de Justitia T. 1. tr. 1. disp. 2.


III. Neque vox *naturalis* suis caret æquivocationibus, quas omnes in præsentī recensere nostri non est instituti, con-

tenti eas allegasse, quæ præsentī videntur scopo inservire. Sumitur autem τὸ *naturale*, annotante B. Hornejo in Inst. Log. l. V. qu. 9. n. 7. (1.) pro eo, quod naturæ ab initio actu inest, sicut homini naturale est videre, intellectum & voluntatem habere. (2.) pro eo, quod licet ab initio rei actu non inest, secundum proximam tamen potentiam inest, & tale est, ut natura absque externâ ope id producere possit, sicut naturale lapidi est descendere. Atque hinc patet, quò sensu *jus* nostrum *naturale*, appelletur. Non enim ita dicitur, quasi à primâ statim origine actu nobis inhæreat, sed quòd connascatur aptitudo quædam & potentia, quæ hominem ad comparandam terminorum practicorum cognitionem aptum reddit; quæ tamen potentia non est remota, ac si multo labore & tempore, ut in actum deducatur, indigeat, sed proxima, quæ se exerit, simul ac usus rationis accedit, & species rerum ab objectis sensibilibus abstractæ per phantasiam ad intellectum deferuntur dijudicandæ. Conf. Calixt. Epit. Theol. Mor. de LL. p. 47.

IV. Expensâ utriusque vocis Homonymiâ restat, ut, & paucis indicemus, quot modis *jus naturale* accipiatur. Sumitur autem (1.) pro Lege æterna, quâ omnia tam animata, quam inanimata gubernantur, ut observat Casus in Speculo Mor. qu. l. V. c. 7. (2.) pro naturali instinctu & inclinatione à Creatore rebus inditâ, quâ singula ad proprios actus finesque tendunt, quò in sensu à Platone in Minoë accipitur. (3.) pro naturali rationis lumine, quò bona & mala perspicimus & judicamus. (4.) pro ipsis rerum agendarum fugiendarumve principiis, quæ juxta Azorium l. V. Instit. Moral. c. i. f. 607. sunt species vel imagines referentes res bonas ac malas, faciendas vel fugiendas. (5.) denique pro dictamine rectæ rationis & præscripto &c. quò modò in præsentī à nobis consideratur.

V. Evolutâ Homonymiâ ad Synonymiâ progredimur, ubi Ebræorum primâ vice occurrunt Synonyma, quorum multa licet deprehendere. Appellant enim מִצְוֹת, מִשְׁפָּטִים, וְדִבְרֵי, licet hanc vocem Ebræos in significando jure constituti-



stituto vel humano, adeoque distinguendo à Jure naturali tan-  
 tum adhibere existimet *Grotius l. 1. de J. B. & P. c. 1. n. 9.* quem  
 propterea egregie falli ostendit Vir Cl. *Job. Christoph. Wagens-  
 seilius in animadv. ad Grot. l. c.* ubi docet, Ebræos Jus naturale  
 à constituto hōc modō non discernere, neque solum Jus hu-  
 manum eā designari voce, cūm loci Deut. VI. 2. Psal. CXIX. 8.  
 aliud evincant, ubi  pro Legibus naturā notis & mo-  
 ralibus accipitur. Ab Ebræis ad Græcos transimus, qui Jus  
 naturale salutant *πᾶν νόμον* ratione usus, eo quod in civitati-  
 bus Jure naturali utuntur homines. Atque hanc vocem ad-  
 hibuit Aristot. V. ad Nicom. c. 10. qui & I. M. M. 34. & II. M. M.  
 1. appellat *δίκαιον τῆ φύσιν*, vel *κτὶ φύσιν*. Idem I. VIII. ad  
 Nic. c. 13. & I. Rhet. 15. jus naturale vocat *δίκαιον ἀρχαῖον*, &  
 I. Rhet. c. 10. 13. 15. *νόμον κοινόν*. Audiendus & Sophocles, qui  
 in Oedipo Jus naturale nominat *ἀρχαῖον καὶ ἀσφαλές τῶν  
 θεῶν νόμιμον*, non scriptum & solidum Deorum jus. Sic & Phi-  
 loni Judæo in libr. cui tit. quod omnis vir bonus sit liber, dici-  
 tur *νόμος ἀψύχου*, ὁ ἐκ τοῦ λόγου *ἐκχέτο* τὸ δέν, ἢ τὸ δέν  
 διηγεῖται φησὶς ἐν χαρτῶν ἢ ἐν τοῖς ἀψύχοις, ἀλλ' ὅτι  
 ἀθανάτων φύσις ἐστὶ φησὶ ἐν ἀθανάτων. *Διανοία τυπωθεῖς*, i. e.  
*lex mentiri nescia est recta ratio, quæ lex non ab hoc aut illo mortali*  
*mortali, non in chartis, columnis exanimis exanimis, sed corrumpi*  
*nescia, quippe ab immortalis natura insculpta in immortalis intelle-*  
*ctu.* Nec prætereundum, quod Paulus ad Rom. II. 15. Jus na-  
 turale appellitet *τὸ ἔργον τῆ συνείδητος ἐν ταῖς καρδίαις*. Quod  
 vero Latinos concernit, neque hi vocabulis destituuntur, quibus  
 Jus naturale exprimant. Dicunt enim *Legem connatam* vel *in-*  
*natam*, *Legem divinam*, ut Cic. 3. Off. Sen. l. 4. de Benef. c. 7. *na-*  
*tum æterna Legis*, quā & ipsam *æternam Legem*, ut ex Glosā in  
 princ. d. 5. verb. ostendit Svaretz l. 1. de LL. c. 10. Sic & vo-  
 cant *rectam rationem prædicam*, *jus humanum*, quatenus homi-  
 num animis est insitum atq; insculptum. Appellant etiam *Jus*  
*socialis*, ut Grot. l. 1. de J. B. & P. c. 1. n. 11. *Jus mundi*, ut Lu-  
 cian. *Legem naturæ*, sumtā scilicet voce Legis in latiori signifi-  
 catu pro regulā ac norma actuum moralium, quō modō æqui-  
 pollent nomina Juris & Legis, ut *Lex* eā quoq; appelletur, quæ  
 jus

ius naturale dicitur, & ius vocetur, quod Lex civilis alias dici solet. Sic & quibusdam placet salutare *decalogum*, ob maximam convenientiam præceptorum Juris hujus & decalogi, quam, monstravit B. Chemnit. in LL. Art. de Lege DEi p. 261. seqv.

VI. Ad ipsam definitionem nunc esset accedendum, nisi de existentia Juris naturalis quædam adhuc prælibare placeret, Dari verò *ius* aliquod *naturale*, vel sola honesti & turpis notio omnibus morationibus cognita gentibus abundè satis comprobatur; cui accedit desiderium cum aliis in civitate vivendi omnibus hominibus innatū, quo posito non potest non inter eos dari ius aliquod naturale, quod dicitur, civi unicuique suum esse tribuendum, & neminè lædendū. Sic & conscientia stimuli de naturali Jure satis superq; possunt testari. Hos enim & Ethnicus aut flagitiosus homo vel invitatus & reluctans persequitur, si à regia virtutis decesserit via. Licet enim à lege civili sibi talis non metuat, vel quia de tali negotio nulla Lex est sancita, vel quia in occulto peccat, & suæ confidat potentia, qua se à noxa vindicare possit, aut corruptum sibi polliceatur iudicem; conscientiam tamen, quæ de bono haut incognita & stimulis ad bonum allicientibus præsentibus eum convincit, internum suorum scelerum experitur testem, quin & iudicem, tortorem, actorem, reum, carcerem, flagellum & carnificem, eò quòd bonum, quod lex naturæ suavitè arripiendum, & ad quod blandè eum invitavit, alto despectu supercilio, neglexit, & tandem malè egit. Ita gentes norunt, fornicationem, homicidium, & hujus farinae alia esse enormia peccata & morte digna asseverante Paulo ad Rom. I. 32. Parili modò Cainus ob fratricidium commissum, mortis poenā se esse dignum intelligebat ex dictamine juris naturalis, cum nulla lex de homicidio vitandò tunc temporis esset lata. Sic & non potest alia nominari lex, ex qua Alexander Magnus, cum Clytūm temulentus interfecisset, se ipsum judicaverit, quàm lex naturæ. Ex hac etiam Nero parricidii est convictus, morsusque conscientia non leves sensit, cum matrem, Agrippinam, quam prius impudicam fecerat, sustulisset, licet exquisitis militum & S. P. Q. R. gratulationibus confirmaretur. Verum enim verò non defuerunt, qui, nescio quā mentis per-

versi-

veritate abrepti existentiam Juris naturalis in dubium vocare  
ausi sunt, in quorum numerum censumve referuntur Pyrrho, Ar-  
chelaus, discipulus Anaxagoræ & præceptor Socratis, ut testatur  
Laërt. l. 2. de vit. Philos. c. 9. Carneades auditor itidem,  
Anaxagoræ, & Callides Sophista teste Platone in Gorgia; Mi-  
noë, it. l. 1. de LL. Spectant & huc Epicurei; Cyrenaici auto-  
rem Aristippum secuti, qui humanis omnia constitui ac finiri  
LL. existimant, ut memoriz prædidit Laërt. l. 2. Sic quo-  
que in hanc classem reponendi veniunt, qui per miserandam  
Protoplastorum lapsum Jus naturale prorsus esse absorptum as-  
serunt. Neque suis se destitui rationibus illi ipsi arbitrantur,  
Dicunt enim, immobilia esse & ubique eandem obtinere vim,  
quæ suos naturæ debent natales, sicut ignis & hic & apud Persas  
urit: Jura autem esse mobilia & quotidie ab hominibus mutari,  
prout eorum recitat opinionem Arist. V. Eth. c. 10. Sed hæc  
ratione contra Juris naturalis existentiam nihil quicquam  
evincunt. Non enim absoluta gaudet veritate, quod de im-  
mobilitate eorum, quæ à naturâ trahunt ortum, fuit adductum,  
Omnia siquidem naturalia absolutè non sunt immutabilia; sed  
aliqua tantum ex parte, quia quædam naturalia causas habent  
necessarias, quæ ratione respectu nostri sunt immutabilia; quæ-  
dam verò contingentes, quò modò non simpliciter sunt immu-  
tabilia naturalia, quia aliqua ex parte voluntati ac industriæ  
hominum sunt subdita, ut sine totali naturæ interitu emendari  
queant atque mutari, quod patet exemplò dextræ ab Aristote-  
le l. V. Eth. c. 10. suppeditato, quæ naturâ valentior est sini-  
stra; hæc tamen in quibusdam hominibus præstantior multò  
& agilior dextrâ esse solet. Quæ dein de mutabilitate juris  
proferunt, examinabimus §. 24. quando de immobilitate Juris  
naturalis agemus. Deinde Carneades in suâ disputatione, quam  
recitat Laërt. l. V. Insist. c. 17. dicit: *Jura sibi homines pro  
utilitate sanxisse, scilicet varia pro moribus, & apud eosdem pro  
temporibus sæpe mutata; jus autem naturale nullum esse.* Atq; hujus  
vestigia ex asse legit Thomas Hobbes Anglus, qui in Leviathan part.  
2. c. 13. & 26. asserit, *hominem non ad aliud obligari, quam ad sui  
ipsius utilitatem quoquo modo promovendam, hæc suadente contra-*



*rius nullas esse ad innocentiam, fidem, gratitudinem obligationes. Hinc & innocentes lacerare, vel fidem frangere pro multò honestiori reputat, quàm contrarium facere, aut eò cedere, quò ipse incommodetur. Verùm nulla in discursu Carneadis videtur esse connexio. Non enim sequitur, Jura sibi homines pro utilitate sanciverunt; Ergo jus naturale nullum est. Loquitur enim de juribus, quæ humanà constituuntur auctoritate; naturale verò aliam agnoscit originem. Egregia hæc de re sunt verba, quæ Cicero l. 2. de Invent. n. 65. habet. *Initium juris, inquit, à naturâ ductum videtur: quædam autem ex utilitatis ratione aut perspicua nobis aut obscurâ in consuetudinem venisse; post autem approbata quædam, aut à consuetudine aut à verò utilia visa, legibus esse firmata. Ac natura quidem jus est, quod nobis non opinio, sed quædam innata vis afferat.* Porro, si nulla detur obligatio, nisi quæ natales ab utilitate repetat, vix occurreret casus, in quò ad actionem quis obligaretur ex necessitate, cum nullus ad utilitatem suam necessario obligetur, eò quod ab eadem planè possit recedere, vel juri suoque emolumento nuncium mittere. At verò, si commodis pro nostro arbitrio renunciare licitum est, necessario non obligamur, quod tamen in lege naturali obtinet. Conf. Illustris *Boëclerus* ad *Grotii* prolegom. de I. B. & P. p. 46. *Robert. Charrock.* de Officijs c. 2. n. 7. p. 102. Tandem & *Hobbes* l. c. c. 25. Juris naturalis existentiam evertere conatur, quando asserit, *leges naturæ, quæ in æquitate, justitiâ, gratitudine consistunt & ceteris morum virtutibus, quæ ab iis dependent, non esse propriè LL. sed qualitates solam ad pacem & obedientiam disponentes, cumque jam Resp. est instituta actualiter, tunc primum incipiunt esse Leges, quæ prius non erant.* Sed reponimus *Hobbesio*, falsum esse, quòd LL. naturæ pro Legibus propriè sic dictis non habeat. Illæ enim vim continent obligativam, quæ vel legem in esse suo constituit, vel essentiam proximè sequitur. Adhæc falsum etiam est, quòd LL. naturæ sint nudæ dispositiones ad pacem & obedientiâ, & quòd Legû nomine non veniant, antequàm à Magistratu ferantur. Leges enim naturæ non solam pollent facultate disponendi, sed & obligandi gaudent potentiâ. Nequè etiâ ad has requiritur, ut à supremâ potestate constituentur, cum sufficiat obligatio ex intrin-*



intrinsecâ proveniens necessitate, cujus respectu naturæ dictamina extra Rempublicam Leges possunt saluari.

VII. Atque his præmissis ad Juris naturalis definitionem nos accingimus, quam suppeditat *Philos. V. Erb. c. 10.* cui *Jus naturale* est illud, quod ubiq, eandem vim habet, & non quia ita videtur, vel non videtur. Quæ definitio rem præsentem, satis declarat, & videtur esse à priori, quia fundamentum obligationis, quod non ex opinione, sed ex intrinsecâ desumit necessitate, exprimit. Ut autem felicius allatæ definitionis sensus omnibus innotescat, subjungemus *Gregorii de Valentia, Grotii, de scriptiones*, utpote quæ non parum lucis huic materiæ videntur scenerari. Et quidem *Gregorio de Valentia T. II. disp. VII. q. 4. punct. 1.* jus nostrum est naturale rationis dictamen seu judicium, quod per lumen nobis ab æterna Lege impressum & inditum evidenter cognoscimus, ea esse faciendâ, quæ ita sunt recta, & natura nostra consentanea, ut ea negligere sit deforme, & natura repugnans. *Grotius* verò l. I. de J. B. & P. c. l. n. 10. describit per dictatum rectæ rationis indicans alicui, ex ejus convenientiâ aut disconvenientiâ cum ipsa naturâ rationali, inesse morem turpitudinem aut necessitatem morem, ac consequenter ab autore naturæ Deo talem actum aut vetari aut præcipi. In hac tamen definitione, ut obiter moneamus, vir quidam magni nominis convenientiæ ac disconvenientiæ fundamentum, sed frustra, desiderat. Indicavit enim illud *Orotius* in prolegomenis, & n. XI. uberius declarat, ut ita neglexisse fundamentum *Grotius* non sit censendus.

VIII. Appositè verò *Gregorius de Valentia* & *Grotius* genus Juris naturalis constituunt dictamen vel judicium rectæ rationis, quod duplex asseritur, absolutum & comparatum. Illud est, quod aliquid in se & seorsim consideratum bonum vel malum judicatur. Comparatum autem est, quo quid cum aliis collatum rebus, circumstantiis omnibus expensis, uni atque alteri bonum vel malum judicatur. Sic e. g. depositum esse legitimo possessori reddendum, absolutum rectæ rationis dictamen secutus rectè quis judicat, de quò tamen aliter pronunciet necesse est, si judicium consulat comparatum. Ita enim depositum non esse reddendum ob intervenientes circumstantias judicatur, si ni-

mirum furibundus gladium depositum sibi restitui poscat, quò sibi vel aliis vim inferat, Patriæque paret interitum. Quando verò Jus naturale dicitur esse dictamen vel judicium rectæ rationis, indicatur Jus naturale non esse potentiam, neque habitum, prout multi asserunt, sed actum intellectus, quò discernitur & dijudicatur, hominiquè præscribitur, quid honestum, quid turpe, quid sit faciendum, quidve fugiendum. Est nempe Jus naturale actus intellectus, quia præcipit honestum, prohibet turpe, ac præscribit benè vivendi normam, quod ipsum nec potentia, neque habitui, sed actui convenit; ubi tamen tenendum est, non hîc sermonem esse de Jure naturæ quomodocunque spectato, sed prout in nobis est, & in actum deducitur. Si enim in actu primo consideratur, quatenus vel potentia, vel per modum habitus intellectui radicaliter inhæret, concedimus cum *Thomâ in 1. 2. q. 94. art. 1.* aliisque Jus naturale posse vocari, sed improprie, habitum. Quo sensu & accipienda sunt, quæ de Legge naturali dicuntur, quod sit menti humanæ insita, exque ea nequeat deleri, & quæ alia sunt. Conf. *Tanner. Theol. Scholast. T. II. disp. V. qv. 2. d. 2. f. 938.*

IX. Ad materiam ex quâ properamus, quæ quidem in Jure nostrò non occurrit, cum sit accidens; ejus tamen locò assumitur *Subjectum & Objectum*. Quoad *Subjectum* igitur Juris naturalis, illud est duplex, vel quod, vel quò. *Subjectum*, quod est *sola creatura rationalis libertate prædita*, vel homo *rectâ utens ratione*, quo & juxta *Tanner. Theol. Schol. T. II. disp. V. q. 2. d. 2. f. 939.* quodammodo referri possunt Angeli, qui juris naturalis secundum conditionem suæ naturæ non sunt expertes. Dicimus: *rectâ utens ratione*. Infantes enim à Juris naturalis actuali possessione excluduntur, cum destituantur actuali terminorum cognitione, neque etiam de illorum connexionem possint laborare, multò minus dictamen rectæ rationis de honestis vel turpibus queant proferre. Sic, quia infans ignorat, qui vocentur Parentes, quid sit honorare, ignorat etiam illorum terminorum combinationem, neque propositionem hanc: Parentes sunt honorandi: intelligit, eamque oblata occasione applicare sustinet. Quamprimum autem in infante usus rationis sese exercere, & sensuum ope simplices terminos apprehendere incipit

pit, jure naturali obligari dicitur infans, adeoque subiectum Juris naturalis constituitur. Quando verò sola creatura rationalis Subiectum Juris naturalis pronuntiatur, excludi patet bruta, utpote in quæ Jus naturale, prout à nobis hic consideratur, non cadit, nec cadere potest. Sic & neque inanimata Juris naturalis sunt capacia, prout asserere videntur, qui formalem Juris naturalis rationem convenientiam cum appetitu statuunt, in quorum sententiam inclinat *Thom. Campanella Part. II. Phil. Mor. Epilog. c. 6.* cum inquit; *de naturali Sol oritur, & homo manducat, quoniam ortus Soli fini natura, qui est rerum illustratio & generatio; & hominis manducatio fini suo, qui est conservatio fidei: & coitus est de Jure natura, quia equatur conservationi.* Sequitur Subiectum quod, quod est anima nostra, quam usitata Scriptura phrasî *Paul, ad Rom. II. 15. καρδιάς* appellat, quando de gentilibus refert, quod habeant *ἔργον τῆ νόμου γεννίον ἐν ταῖς καρδίαις αὐτῶν.* Quoniam vero duæ animæ rationalis sunt facultates, *Intellectus ac voluntas*, videndum, cui inhæreat Jus naturale. Supra in §. 8. vidimus, jus naturale esse actum intellectus, hinc & illud in intellectu eoque practico suum posuisse domicilium asserimus. In intellectu enim termini illi, ex quibus prima ac communia constant principia, sensuum beneficiò apprehenduntur, quibus apprehensis propositio conficitur practica, rem prohibendam subiecti loco collocans, prohibitionem verò ipsam in locum prædicati substituens, quæ propositio formata dein per intellectum sine ullo externo doctoris ministerio actibus moralibus applicatur.

X. Cum verò omnis Lex sit mensura actuum moralium, quos respicit ut materiam & objectum, hoc etiam in Lege naturali licet observare, ideoque ad ejus objectum progredimur. Objectum itaque Juris naturalis est *bonum per se, honestum*, vel ad honestatem necessarium, & malum illi contrarium, ideoque, illud necessariò faciendum, adeo ut negligere sit deformè & naturæ nostræ repugnans; hoc autem necessariò vitandum, ita ut malum perpetrare sit turpe, & naturæ rationali non conveniens. Dicitur: *bonum honestum*: Bonum enim utile & jucundum, objectum moraliter bonum constituere semper nequeunt,

quæunt, cum & sint actionis moraliter malæ objecta. Divi-  
dunt autem quidam præcepta Juris naturalis in affirmativa,  
& negativa, & dicunt objectum juris naturalis *quoad præcepta  
affirmantia* esse omnium virtutum actiones, quæ quoad speci-  
ficationem vel modum, quò fieri debent, sub Jus naturale  
cadunt, licet non omnes simpliciter & quoad exercitium,  
præcipiantur. Notanter dicitur: *actiones omnium virtutum*:  
Licet enim jure naturali omnis omnino teneatur homo, ut  
omnium virtutum actionibus sedulam navet operam, non ta-  
men ad omnes actiones omnium virtutum obligatur. Jus si-  
quidem naturale non omnes præcipit actiones, cum multæ  
liberè & sine obligatione suscipiantur, plurimæ etiam ex præ-  
cepto, vel divino, vel humano. Atque talismodi actiones  
sunt omnes eæ, quæ ex virtute Heroica proveniunt, ad quas,  
licet sint speciosæ, nemo obligatur. Parili modo cibo & po-  
tu ex Magistratus mandatò abstinere est actio virtutis, non  
tamen quis ad ea observanda præcepto Juris naturæ, sed huma-  
nò, obligatur. Hinc *Thom. in 1. 2. q. 94. art. 3.* actus virtutis  
secundum se ipsos consideratos non pertinere ad Jus naturæ  
asserit. Considerat enim illos *virtutum actus secundum ratio-  
nem virtutis, in quantum sunt virtuosus, & in quantum sunt ta-  
les actus in propriis spectibus considerati*, cujus distinctionis gemi-  
nus à Suarezio l. ii. de LL. c. 7. n. ii. assignatur sensus: (1)  
omnis virtutis actum secundum suam rationem specificam,  
spectatum posse cadere sub præceptum Juris naturæ, non so-  
lum modum, sed & exercitium actus præcipiens: si autem con-  
siderentur in individuo omnes cujuscunque virtutis actus, tunc  
non omnes actus virtutum esse in præcepto naturali, quod pa-  
tet de quibusdam actibus, qui licet non sint præcepti, tamen  
sunt liciti ac honesti. (2) Sensus esse potest, actum virtutis  
considerari posse vel materialiter, vel formaliter, quò ultimo  
modo de virtutis actu concedere Thomam ait Suaretz. l. c.  
cum respiciat honestatem. Conf. *Hornej. Phil. Mor. l. IV. c. 3.  
n. 28. Scheurl. diff. de LL. n. 25.* Secus verò se res habet cum præ-  
ceptis juris naturæ negativis, ubi actiones omnes virtuti contra-  
riæ ad objectum juris naturalis sunt referendæ. Licet enim  
detur



detur bona quædam actio, ad cujus executionem non obligetur, nulla tamē est à virtutis opposito vitio resultans, quin homo ad vitandam eam & fugiendam obligetur. Omnia ergo vitia sunt contra naturam & Legem naturæ, largius accepto termino contra naturam. *Natura enim hominis*, monente Thomâ I. c. vel dici potest pro eâ, *quæ illi est propria*, *recta* nimirum *ratione*, quæ agenda & fugienda definit, quô modô omnia peccata, in quantum sunt contra rationem rectam, dicuntur esse contra naturam. Vel sumitur *natura hominis* pro eâ, quæ est *communis homini & brutis*, quâ ratione specialia quædam peccata dicuntur esse contra naturam, ut Sodomitia vel alia execranda libidinis crimina, quæ non rectæ solùm rationi adversantur, sed & naturali brutorum inclinationi, quam cum brutis communem habet homo, repugnat. Conf. *Thom.* in 1. 2. q. 71. art. 2. *Tanner. Theol. Schol.* T. II. disp. IV. q. 1. dub. 2. f. 603. & disput. V. q. 2. d. 2. f. 943. *Azor.* l. IV. Instit. Moral. c. 1. f. 295.

XI. Ex hisce constat (1.) quôd *præcepta virtutum supra-naturalium*, sive sint affirmativa, sive negativa per se ac immediatē non pertineant ad objectum juris naturalis, quia ea per naturalem notitiam sepositâ revelatione evidenter cognosci nequeunt, mediatē tamen & in sensu, ut loquuntur Scholastici, compositō præcepta illa ad Legem naturalem spectare dici possunt, quatenus recta ratio dicitur, ejusmodi præceptis morem esse gerendum, quô & respectu de humanarum Legum præceptis pronuntiatur, quod sub Juris naturalis objectum possint cadere. (2.) Ex supra dictis liquet, quod *indifferentia*, quæ in se nec moraliter bona vel mala sunt, sed pro varietate circumstantiarum ac voluntate legislatoris jam bona, jam mala fieri possunt, ad objectum Juris naturalis neutiquam spectent, cum ea, quæ objectum Juris naturalis constituunt, per se, intrinsecē ac suâ naturâ bona vel mala sunt, & sine peccato omitti nequeunt. Hinc est, quôd conjunctio maris ac fœminæ, sobolis procreatio atque educatio, aliiq̃ue actus naturales, quatenus tales, ad objectum Juris naturalis non sint referendi. Dicitur: *quatenus tales*: Illi enim, annotante B. Slevogito diff. de Causâ Morali §. 77.

considerari possunt, vel *in genere natura*, vel *in genere morum*; Priori modo nullam in se continent moralitatem, neque sub Legem aliquam, multo minus naturalem, cadunt. Si verò certis circumstantiis actiones illæ conspiciantur stipatæ, non amplius sunt merè naturales, sed quid moralitatis includunt, ideoque ad Legem aliquam spectant.

XII. De *præceptis secundæ Tabulæ* in decalogo quidam movent dubium, num ea ad Jus naturale pertineant? Ex sententia *Scoti* in 3. d. 47. q. unic. dispensari posse in præceptis *Tabulæ secundæ* asserentis constat, cum hæc præcepta eximere è numero præceptorum Juris naturalis. Hinc concludit, septem illa præcepta non esse conclusiones, quæ inferantur absolutâ necessitate ex principiis per se notis, sed solum habere convenientiam maximam cum naturâ hominis, ut illi præcipiantur vel prohibeantur. Verùm hæc *Scoti* sententia suo nequit stare talo, Si enim præcepta secundæ *Tabulæ* ad Legem naturalem non spectarent, gentes ante Legem à Mose sancitam atque latam non fuissent iis obligatæ, quin & post legem promulgatam præcepta illa gentes non obligassent, quippe quibus Lex Mosaica non erat lata, cujus tamen contrarium testatur, *Paulus* ad *Rom.* II. 15. Conf. *Suarez* 1. 2, de *LL.* c. 15. n. 9.

XIII. Referunt & quidam ad Juris naturæ objectum *4. Jus concupiscentia internos*, Sed, quid de hoc sit sentiendum, aliorum relinquimus judicio, cum talia revelationi divinæ sint ascribenda. Hoc tamen addimus, motuum involuntariorum pravitatem Philosophis gentilibus aliquatenus innotuisse, quod pluribus probatum dedit testimonijs *Marc. Frijd. Wendelinus* in *Philos. Mor.* l. 1. c. 3. §. 71.

XIV. Sicut autem intellectus theoreticus suis gaudet principiis primis & indemonstrabilibus, ex quibus conclusiones deducit theoreticas; similem in modum comparatum est cum intellectu practico, qui principiis honesti & boni practici non destituitur, & inde conclusiones elicit practicas. Hinc in Jure naturali occurrunt *primò principia suâ naturâ* & per se nota, indemonstrabilia, communia, apud omnes immota, qualia sunt, bonum est faciendum, malum fugiendum &c. Deinde dantur

*conclusiones* ex principiis illis practicis interventu rationis & per discursum deductæ, quæ in duplici sunt differentia: Aliæ enim sunt *communes*, quæ immediatè, promptè & evidenti necessitate ex principiis fluunt & eliciuntur, quas quidam pro ipsis habent principiis; aliæ sunt *propria*, quæ nonnisi per diligentem sapientum inquisitionem ex primis principiis eruuntur, e. g. ponamus principium hoc Juris naturæ, neminem lædito, ex quo immediatè & necessario conclusio hæc communis, non occidas, deducitur, mediatè vero & paulò remotius conclusio hæc propria, furioso arma ne tradas aut obferas.

XV. Quæritur autem, an *Conclusiones & communes & propria* ex principiis Juris naturæ eliciantur, ad objectum Juris naturalis pertinent? Sunt, qui hoc ipsum negant statuentes, conclusiones illas non esse referendas ad objectum Juris naturalis, prout quidem se res habet cum principiis, quod ut evincant, adducunt (1) quod jus illud, quod versatur circa conclusiones, mutari possit & abrogari. (2) quia hac ratione omnes actus virtutum ab hominibus præcepti spectarent ad Legem naturalem, eò quod per discursum inde eliciuntur. Verùm enim verò confona magis vero illorum est opinio, qui omnes conclusiones & communes & proprias ad objectum Juris naturalis pertinere, asserunt, quia, si principia, quæ bonum ac honestum præcipiunt, & malum prohibent, ad objectum Juris naturalis spectant, etiam conclusiones ex iis deductæ ad id objectum spectabunt. Veritas enim principii in conclusione continetur, & qui unum præcipit vel prohibet, hunc etiam omnia præcipere ac prohibere necesse est, quæ sub eo comprehenduntur. Quin imò lex nostra naturalis magis exerceri conspicitur in conclusionibus, quàm in principiis. Adhæc præcepta Decalogi utriusque Tabulæ ad Jus naturale pertinent, quorum tamen quædam non sunt principia per se nota, sed ex iis deducta, quæ prolixò indigent discursu.

XVI. Et hæc de objecto, nunc ad *formam* nobis est transeundum. Est autem *forma juris naturalis*, per quam materia necessaria accipit esse Juris naturalis, *viz obligatoria* vel *prescriptum obligatorium*, in cujus fundamento inquirendo valde

de defudant auctores. *Grotius de J. B. & P. l. 1. c. 1. n. 10. Selden. de Jure Nat. & Gent. l. 1. c. 3.* aliique originem obligationis, quæ in jure naturali datur, ab imperio & voluntate DEI, naturæ autoris, arcessunt, & jus naturale obligare dicunt, quia à DEO est sancitum. Ut autem suam confirmant sententiam, præsupponunt vulgare illud, *jus id esse, quod legislatori placuit.* Actiones enim hominum esse bonas ac justas, quia voluntati atque imperio Superioris sunt conformes, sibi habent quam maxime persuasum. Atque hoc ad præsens applicant negotium arbitantes, Jus naturale idè esse jus, quia DEO placuit, ejusque voluntati actiones congruunt. Verum huic opinioni nostrum non possumus adjicere calculum. Falsa enim est illa propositio: *Jus est, quod legislatori placuit,* si de jure in sua generalitate accepto intelligatur, quod patet exemplo Tyranni Nomothesià Majestaticà instructi, cui homicidia, rapinæ, incestus alique actus honestati naturali repugnantes arridere possunt, ut præcipiantur subditis, exinde tamen nequaquam conficitur, actus jam nominatos absolutè nomen titulumvè juris obtinere, aut subditos obligare. Adhæc ad productionem & obligationem juris non sufficit voluntas legislatoris, sed & requiritur, ut cum rectâ congruat ratione. Hinc Lex injusta non est Lex, quia ratione destituitur, neque obligat, licet voluntatem impensissimam, ut observetur, Princeps foveat. Tertiò, alia est ratio Legis naturalis, alia humanæ. Hæc, si conformis est rectæ rationi, obligat, quia Magistratui ita placuit indifferens objectum licitum vel vetitum statuere; in jure verò naturali tale quid legislatori non permittitur. Quod verò applicationem concernit, Jus scilicet, naturale eam ob causam esse jus & obligare, quia DEO ita placuit, ea non videtur admittenda. Ea enim, quæ hac Lege præcipiuntur, vel prohibentur, eo nomine non sunt honesta vel mala, quia à DEO mandata vel prohibita, sed, quia per se ac suâ naturâ sunt bona vel mala, ob necessariam & inevitabilem convenientiam vel disconvenientiam cum rectâ ratione vel natura rationali, idè à DEO sunt, præcepta ac prohibita. Imo, si ex hypothese impossibili DEUS non esset, vel nulla daretur lex divina prohibens aut in-

dicans



dicans homicidium, vel aliud quodvis facinus esse turpe ac fugiendum, nihilominus homicidium vel aliud quid turpe, esset ac intrinsecè malum, eò ipsò, quòd rectæ rationi & naturæ rationali adversetur, sicut in naturalibus res, quæ per se sunt veræ, manent veræ, licet à DEO veræ non pronuncientur, aut planè DEUS in rerum naturâ non existat. Ueberius hoc ipsum declarat Dn. D. *Casspar Ziegler in Exerc. III. de Jur. Maj. §. 25,* cujus verba ascribi merentur: *Ius istud naturale, quod inest vel adeest DEO in ordine, & revelatione ad hominem, antecedit in signò rationis divina liberam ejus voluntatem, ita ut illud depovere, aut ejus oppositum decernere non possit. Sed inde tamen non conficitur, imperium istud causam esse & fundamentum omnis bonitatis ac malitiae, sive quod eodem recidit, nihil esse in se ac suâ naturâ justum vel injustum, nisi supposito precepto vel interdito superioris. Hoc enim datò unum & idem, quatenus DEum vult, quia nonnisi bona velle potest, bonum erit, quatenus non vult, quia nonnisi mala nolle potest, malum erit. Per consequens poterit DEUS velle & precipere, ut homo sibi non obediat, se non cognoscat, colat religiosè, bonoret tanquam DEum, sed diabolum: huic fidat, hunc amet ex toto corde, ex omnibus viribus: Deum verò unum & trinum odiò habeat, abneget, blasphemet. Hæc ille. Conf. Gab. Vázquez in l. 2. g. 90. art. 1. Tanner. Theol. Schol. T. II. disp. IV. q. 1. d. 4. f. 618.*

XVII. Alii fundamentum obligationis, quæ Legi naturali inhæret, quærunto in convenientiâ ac disconvenientiâ cum appetitu, jusque naturale ideo obligare volunt, quia convenit, vel disconvenit cum appetitu. Sed, neque hi ullum merentur assensum. Ex hac enim convenientiâ vel disconvenientiâ cum appetitu non provenit aliqua obligatio, sed saltem bonitas quædam vel malitia, quæ tamen cum moralitate non semper est conjuncta. Ut taceamus quamplurima absurda, quæ ex hac videntur propullulare opinione; Sic enim edere, bibere, dormire, rapinas, cædesque exercere, scortari, incestuosos ambire concubitus, essent juris naturalis, quod sine insigni absurditate vix potest asseri. Conf. *Job. Frid. Hornius in tr. de Subjectione Juris Nat. c. VIII. n. 8. sequ.*

22 XVIII. Nonnulli denique *obligationem Juris naturalis*, quæ est *à priori*, dependere *à naturâ rei vel objecti* statuunt, quibus & nos accedimus. Cum objecto enim Juris naturalis, quod est bonum vel malum intrinsecè tale, ita est comparatum, ut facultatem in se contineat obligativam, neque aliunde, ut LL. humanæ, petat. Hinc ab hæc objecti naturâ comparatâ cum hominis perfectione, quæ in intelligentiâ ac libertate consistit, provenit, ut homo necessâriò obligetur ad bonum faciendum, malumve fugiendum. Atque hoc ipsum, eleganter expressit *Philosophus* in suâ definitione, quando de *Jure naturali* scribit, quod *ubique eandem vim habeat, & non quia in videtur, vel non videtur*. Et observatu digna est vox *δοκῆν*, quæ aliâs de Lege humanâ positivâ adhibetur, prout videre licet ex *Platone in Minœ*, qui *legem civilem* salutat *δόξαν τῆς πόλεως*: hîc verò à Lege naturæ remouetur, dum dicitur *ὃ τὸ δοκεῖν, ἢ μὴ* i. e. *non pendet ab opinione vel arbitrio hominum*, ut hic vel ille statuat hoc esse bonum, illud turpe, hoc esse faciendum, illud vitandum, quod & *Cic. l. 2. de Inv. n. 67.* innuit scribens: *Jus naturale est, quod non opinio hominum, sed innata vi affert.* Neque ab hæc sentienciâ discedit *Ludov. Molina T.I. de Justit. cr. 1. c. 2.* quando de obligatione Legis naturalis ait, quod oriatur *ex naturâ rei, & inde se in præceptum diffundat.*

XIX. *Obligat autem Jus naturale omnes omnino homines, cujusunque sint status & conditionis, rectâ utentes ratione.* Cum enim omnibus principia illa practica sint indita, non potest non etiam omnes obligare, unde & communia dicuntur ad exprimendam universalitatem competentis. Dicitur: *rectâ utentes ratione.* Jus siquidem naturale apud sanâ mente præditos nunquam cessât aut deficit, sed tamdiu permanet & obligat, quamdiu quis ratione quacunque utitur. Ex quô patet, quid de *furiosis* ac *mente captis* sit sentiendum. Constat etiam, quòd *infantes* ob rationem supra in §. 10. expositam ab obligatione legis naturalis excipiantur, quæ tamen initium sumsisse censenda est, simul ac rationis usus in iis sese exerere incipit. Ab hæc verò obligatione nec *Princeps* liber & immunis est reputandus, cum, ut commune Politicorum habet dictærium, *Majestas Le-*

ge naturæ non sit soluta. Princeps enim, quatenus ut homo consideratur, æquè ac alii hominum, respicere tenetur, non, tam quid liceat, quàm quid fecisse debeat, quidve naturali rationis dictamini sit consentaneum, quod ipsum & à matre *Dionysio Sicilia Tyranno* est objectum, cum illi stuprum inferre vellet: *Tyrannum quidem Leges civiles posse mutare, sed jura naturalia mutare, aut prorsus tollere nullò modo posse.* Hinc impiè Regi Persarum *Cambysi* contra Persicæ gentis consuetudinem germanam suam in matrimonium ducenti, & de jure, quod nuptialia cum sorore vinculanectere permetteret, sciscitanti, judices regii & consiliarii, ex metu forsitan Tyrannidis id dederunt responsi; *nullam quidem Legem de conjugiò cum sorore contrahendo apud Persas se invenire, sed aliam se reperisse, quâ Regibus Persarum liceret, quicquid liberet, ut testatur Herodotus in Thalia.* Cui simile est & illud *Juliano* vercæ Imperatoris *Antonini Caracalla* responsum, quæ, cum privignus eam incestaturus diceret, se velle, *scilicet*, respondit, *licere, si liberet, an nesciret, se esse Imperatorem, & Leges dare non accipere,* prout testis est *Spartianus in ejus vita.*

XX. Quod verò Jus naturale unum sit & apud omnes semper obtineat homines, eosque obliget, vel ex eo redditur manifestum, quod, sicuti una est omnium hominum natura specifica, ita & quod natura dictitat, præprimis si *ad communia principia* respiciatur, omni tempore apud omnes obtinet homines & unum est. Dicitur: *communis principia.* Si enim assumantur *conclusiones & communes & propria*, lex naturæ non eadem semper & una fuit apud omnes gentes, ut pluribus deinde ostendemus. Sunt quidam, qui *præcepta Juris natura* dividunt in *affirmativa & negativa*, quæ juxta *Suarezium l. II. de LL. c. X. n. 1.* & differunt, & conveniunt. Illud, quia negativa impleuntur sine ullo actu, quem tamen affirmativa requirunt; conveniunt verò quodammodo, quod, sicut præcepta affirmativa, nonnisi quod honestum est, præcipiant, ita & negativa, nonnisi quod malum est, prohibeant. Applicant itaque dictam divisionem dicendo, *negativa præcepta eadem semper esse, & fuisse in omni statu, quia prohibent actiones intrinsecè malas, quæ proinde*

in omni statu malæ sunt, obligant etiam *pro semper*; & ideo in omni statu obligant, si illorum materia occurrit; Quoad vero *præcepta affirmativa*, ea, cum & res intrinsecè bonas præcipiant, obligant, tamen quia non obligant *pro semper*, fieri potest, ut in uno statu obveniat occasio quædam præcepta exequendi, in aliò vero alia. Conf. *Suarez l. 2. de LL. c. 3. n. 9.*

XXI. De obligatione cum adhuc sumus solliciti, de duplici obligatione, quæ *Lex* vel *ad culpam* obligat, & dicitur, *obligatio in forò conscientie*, vel *ad pœnam*, & vocatur *obligatio in forò externo*, quædam addere placet. Hinc de *Lege naturali* quaeritur, *an ius, quos assignavimus modò, vim habeat obligandi?* Legi equidem naturæ quin competat obligatio, quæ est in forò conscientie, nullus dubitat, quod & *Paulus* de gentibus in *Epistolâ ad Rom. II. 15.* testatur, quando scribit: *qui ostendunt opus Legi scriptum in cordibus suis, simul attestante illorum conscientia & cogitationibus inter se accusantibus, aut etiam excusantibus.* Dubitare tamen videtur *Gerson*, cum in *tr. de vit. spirit. lect. 14. Alphab. 62. lit. G.* legem naturalem, ut talis est, obligare ad culpam inficiatur. De obligatione verò ad pœnam res paulò videtur esse intricatior, cum quidam obligationem naturalem, sicut nullam parit actionem, ita nullum inferre pœnæ metum asserunt, quos solidè refutavit *Selden. de I. N. & G. l. 1. c. 4.* Ut paucis nos expediamus, dicimus Legem naturæ obligare etiam quoad pœnam, ubi tamen distinguimus inter *reatum vel dignitatem pœnæ, & actusalem ejusdem inflictionem.* Quoad reatum pœnæ, illum lex naturæ dicitur. Dum enim præcipit bona esse faciendâ & fugiendâ mala, simul obligat ad obedientiam, pœnæque, quâ crimen patratum vindicetur, dignum judicat transgressorem, quia obligationem à Lege naturali impositam non observavit. Et sanè, nisi punire simul prævaricatores juberet lex naturæ, aut ad pœnam obligaret, frustra præciperet honesta esse agenda, & turpia fugiendâ. Lex siquidem sine obligatione ad pœnam maximè imperfecta judicatur. Quod notandum est contra *Grotium*, qui *l. 11. de I. B. & P. c. 20. n. 1.* Legem naturæ non præcipere, ut delinquentes puniantur, sed quò minus fiat, vetare existimat. Vide *Dn. D. Ziegl. ad l. c.*

*Gro-*



Grotii p. 424. Cùm autem dicitur, Legem naturæ poenam dic-  
 citare, id non est ita intelligendum, quasi Lex naturæ *modum*  
*pœna* aut *eius quantitatem taxet ac præscribat*. Licet enim juris  
 naturalis violationem sequatur reatus poenæ; ratio tamen na-  
 turalis genus poenæ nequit definire, sed poenam determinan-  
 dam relinquit Legibus divinæ & humanæ. Quòd verò *actua-*  
*lem pœna inflictionem* attinet, eam lex naturæ non exequitur,  
*immediatè, sed ordinariè & mediatè* facultatem & jus puniendi  
 concedit Magistratui, quî virtute legis motus obligatur ad  
 poenam infligendam ei, qui suâ inobedientiâ reatum poenæ in-  
 eurit, quod tamen de poenâ externâ & corpori inflicta est ca-  
 piendum. Interna enim, qualis est sollicitudo, anxietas, me-  
 tus & quæcunque alia, remanet, majoremque exercet sævi-  
 tiam, quam & expertus est *Castina*, dum necato filio vacuum  
 scelestis Orestillæ nuptiis fecerat domum, de quo refert *Salu-*  
*stius*, quod *animus ejus impurus diis hominibusque infestus, nec*  
*vigiliis, nec quietibus sedari potuerit, ita conscientia mentem,*  
*exagitata vastabat*. Igitur color ejus exanguis, fædi oculi, citius  
 modo, modo tardus incessus, prorsus in facie vultuque recordia im-  
 erat, Conf. *Suarez l. 1. de LL. c. 15. n. 13. 14.*

XXII. Cùm verò Lex nulla vim habeat obligandi &  
 obliget, nisi eadem sit promulgata, ut in omnium notitiam,  
 pervenire potuerit, cùm, si nulla sit legis cognitio, nulla etiam  
 obtingat prævaricatio, quæritur, *an & quomodo jus naturale*  
*promulgetur*? Hic ante omnia notandum est, quid vox *promul-*  
*gandi* significet. *Promulgari propriè* quid dicitur, *quod vivâ*  
*voce aut scripto externo innoscit*. Unde promulgatio propriè  
 ita dicta Juri naturali nos videtur esse tribuenda, quia voce vivâ  
 aut scripto externo nobis non innoscit. Neque etiam Lex  
 naturæ, ut omnes obliget, aliquâ indiget promulgatione, cùm  
 & ipsa intrinsecam in se contineat obligandi necessitatem, eâ-  
 que omnes teneantur homines, licet non promulgetur, sicut  
 si Regis cujusdam Lex tantæ esset virtutis, ut nullâ accedente  
 promulgatione subditos possit obstringere, nulla necessaria  
 esset promulgatio. Quoad autem *Thomas in l. 2. q. 90. a. 4.*  
 dicit, Legem naturæ cò ipsò promulgari, quod Deus eam men-

tibus hominum inferuerit naturaliter cognoscendam, de *promulgatione impropria* est accipiendum.

XXIII. *Modum promulgationis* quod spectat, in eò determinandò non conveniunt autores. Sunt enim, qui principia illa practica eorumq; *notitiam actualem* connasci, & à primis statim incunabulis homini *actu* adesse crediderunt. Alii vero placita illa naturæ prima à nativitate statim quidem hominì adesse *potentiâ*, asserunt, eorum tamen *notitiam esse acquisitam*, quæ initium ac incrementa sumit, simul ac ratio se exerere incipit, & dici *naturalem*, non quod *actu* nobis connascatur, sed quia à naturâ ejusque principio, quod est vis intelligendi ac cognoscendi, procedit, quâ principia ejusmodi practica, ratione se exerente sine discursu, aut Parentum vel Præceptorum institutione, cognoscere eorumque veritatem apprehendere possumus. Plura videre potest, qui eruditionem suam hæc in parte augeri desiderat, apud Excell. *Zesold. in tr. de Notit. Natur.* passim.

XXIV. *Expositâ materiâ de obligatione* transimus ad *immutabilitatem legis naturæ*. Observandum vero *mutationem*, *Legis* juxta Scholasticos obtingere tribus potissimum modis, primò per *additionem*, deinde per *subtractionem*, & denique per *deletionem*. Quoad priorem modum, Lex naturæ omnino est immutabilis. Licet enim huic multa salutì hominum intervenientia per Leges divinas & positivas fuerint adjecta, & adhuc adjiciantur, nulla tamen exinde exsurgit Legis naturalis mutatio, prout quidem colligit *Thomas in 1. 2. q. 94. a. 5.* sed ille accessus est specialis conclusionis ex lege naturæ deductio. Neque quoad alterum modum lex naturæ videtur esse mutabilis, quò quid desinit esse de jure naturali, quod prius fuit secundum illud. Hoc enim *ratione objecti & adequatè* spectatur, nec à DEO, neque ab homine potest abrogari aut tolli. Non à DEO, quia, quæ sunt impossibilia, qualia sunt bonum prohibere ac malum præcipere, sub potentiæ divinæ objectum non cadunt, adeoque à Deo lex naturalis nequit mutari. Adhæc, bonitati supremi Numinis ejusque sanctitati repugnaret, si, quod intrinsecè esset bonum, faciendum hominibus præciperet, aut quod

quod suâ naturâ est malum, sectandum injungeret. Et sanè, si abrogationi lex naturæ subjaceret, ipsa sanctitas divina mutaretur, quæ si admitteret variationem, Deus non esset Deus, quod dictum blasphemum, cogitatu impium est. Sic, si assumatur præceptum de *non colendo alieno DEO*, hoc respectu DEI est immutabile. Deus enim nullo modo alium potest constituere DEUM, vel facere quid, quod æquali honore sit dignum. Neque etiam ab *homine* Lex naturæ potest mutari, cum & hic facere nequeat, ut objectum intrinsecè bonum fiat malum & contra. Rerum enim naturæ & substantiæ ab humanâ potestate nequeunt mutari. Hinc patet, quod Lex naturæ ejusque obligatio per *Legem humanam* neque ex *foro*, neque ex *parte à materiâ Legis* adequatè spectata tolli possit. Jus enim naturale est fundamentum humani, quod illi nequit derogare, aliàs suum destrueret fundamentum, quin & se ipsum everteret. Scilicet, si humanum naturali posset derogare, posset aliquid contra illud statuere, quod fieri nequit, cum, si Jus humanum contrarium quid Juri naturali sanciret, jus humanum non esset Lex, quia injusta præcipit. Neque exempla, quibus legem naturalem humanâ fuisse mutatam probant, quid evincunt, cum in iis non ipsa lex naturalis, sed legis naturalis materia variatis rerum circumstantiis sit mutata. Dicitur autem: *adequatè*. Lex enim natura ejusque præcepta dupliciter spectari possunt, *materialiter* vel *inadequatè*, & *adequate secundum omnes circumstantias, secundum quas obligant*, sicut depositum est reddendum eò tempore, locò, modo, quibus convenit. Si ergo *adequatè* consideratur lex naturæ, nulla in eâ potest contingere mutatio, ut jam demonstratum. Aliter verò se habet, si spectetur Lex naturæ *inadequatè*. Hoc enim modo, si scilicet materia & debita circumstantia non permaneant, & actio ab obligatione subtrahatur, lex naturæ mutatur, quæ tamen, *mutatio est impropria, per solam denominationem extrinsecam ratione mutationis*, quæ in materiâ fit, sicut *pater* per mortem *filii* definit esse *pater*, quæ desitio in parente non est mutatio, sed per modum mutationis à nobis concipitur. Conf. *Suarez l. 2. de LL. c. 13.*

XXV. Accedimus tertium mutationis modum, qui fit per *deletionem*, juxta quem Lex naturæ est partim *immutabilis*, partim *mutabilis*. *Immutabilis* est, si assumantur *principia* ejus *prima*, quæ ignorari nequeunt. Hæc enim ex mente hominis *ordinariè* non possunt deleri aut extirpari, ita, ut non interdum in homine etiam omnium, quos terra sustinet, sceleratissimo cogitationibus sese exhibeant, ejusque lacerant conscientiam; & si delerentur, rationem ipsam amissam rectè quis existimaret. Fuerunt equidem multæ gentes, unò integræ nationes, in quarum animis principia illa communissima fuisse extincta sibi quis persuaderet, cujus rei multa suppeditant exempla *Cælix. Epit. Phil. Mor. sr. de LL. p. 50. & Rob. Charrokius, Anglus sr. de Offic. c. 3. n. 3. p. 147. figg.* probabile tamen non est, à mente illarum gentium principia illa ita esse abolita, ut non interdum aliquibus unum vel alterum ex iis principiis obveniret, & per lumen naturæ sit manifestatum. Ad hæc, aliud est *latuisse illa principia*, aliud *prorsus esse deleta*. Malitia enim hominum ea, ne apparuerint, potuit suppressere, penitus delere non valuit, sicut sol non perire censendus est, licet ob interpositas nubes non videatur. Jam verò ignorantia vel error circa præcepta quædam nullam infert mutationem aut deletionem. Quæritur autem, an *ignorantia præceptorum naturalium sit invincibilis*? Multi id affirmant, quos allegat *Suarez l. II. de LL. c. 8. n. 7.* Rectius tamen contrarium asseritur, naturalia illa præcepta, eaque prima non posse invincibiliter ignorari, cum omnibus, qui rectâ ratione sunt præditi, patefcat, quorum ideo ignorantia non facile potest prætendi. Particularia vero, quæ facili negotiò ex principiis eliciuntur, ignorari quidem possunt, non tamen sine culpæ criminæ, si præprimis longa intercedat temporis intercapedo, quò principia illa potuerunt addisci. Ea autem, quæ majori indigent discursu ac labore, invincibiliter, possunt ignorari, quod in plebe plus vice simplici occurrit. Deinde, *mutabilis* est Lex naturæ, si attendantur *præcepta particularia* ex generalibus deducta. Hæc enim ex mente hominis possunt deleri ac ignorari, ita ut ratio contrariis particularium præceptorum conclusionibus con-

sen-



sentiat, & dicat rem per se turpem ac malam esse licitam. Hujus autem rei alia atque alia dantur causæ. Nam ingenii imbecillitas, quæ conclusiones ex principiis primis elicatas non ita facile cognoscunt & applicant homines, non parum confert operæ. Sic & *prava natura* & *dispositioni*, *perversa educationi* & *consuetudini inveterata* multum est tribuendum, quibus accedit animus vitiosis expositus affectibus & mala denique persuasio, quod & expressit Justinus in colloquio cum Tryphone; ὁ δὲ ἀκασίετι, inquit, τὸ πνέματι & ἐμπεφορημένοι & ὁ παύλης αἰατερῆς, & ἐγὼν Παύλων, & νόμιον ποιητῶν Δεφθαίνεις τὰς φυσικὰς ἐννόας ἀπώλεσαν; i.e. ab impraviis spiritibus abropti & per malam educationem, instituta prava & leges iniquas corrupti naturales notionēs perdiderunt. Atq; hinc est, quod Lege naturæ oppressæ multæ gentes aut planè ignorarint, quæ Jus naturæ docuit, aut approbarint, quæ cum eodem manifestè pugnant, sicuti constat de majoribus nostris Germanis frequenter latrocinia exercentibus. Ita Leges Platonis, Britannorum, Cavadis Regis Persarum mulierum probabant communione, & seniores ab altissimis præcípites dare montibus Tribunorum sancita permittebant, sæmīnas quoq; ex matritis alienis sibi filios comparare Lycurgi Leges concedebant, ut alia de ἀνθρωποφιλία, ἀνθρωποφροσύνη, innuptisq; thalamis prætereamus exempla, quorum amplam farraginem suppeditant supra laudati. Calixtus & Ubarrokius l. c. Conf. Thomas in l. 2. q. 99. ars. 7. & Medina in l. c. f. 501.

XXVI. Cum vero per dispensationem legis obligatio aliqua ex parte possit tolli, ad eam nunc progredimur consideraturi, an in lege natura inveniat locum? Quod negotiū facili ratione expediemus, si de significatione τὸ dispensare prius nobis constiterit. Dispensare scil. de Lege aliqua, docentē Greg. de Valent. T. II. disp. VII. qu. 4. est, cum quis vel eximitur per privilegium à principiō, ut non obligetur, qui aliàs obligaretur, vel postmodum in certō casu liberatur ab obligatione, quæ cateroquin tenebatur. Cum autem dispensatio fiat vel fieri possit & à Deo, & à Magistratu, dæ oriantur quæstiones, quarum prima huc redit, an Deus possit dispensare in Jure natura? altera, an homines? Primam quod attinet, sensus illius quæstionis est, an permissu Dei singulari à legis naturalis obligatione salvā Justitiā divinā quis ita eximatur, ut certō in casu lex omnes obligans iis circumstantiis, quibus alias

obligat, eum non obstringat? Hic in alia omnia abeunt autores, duntaxat quidam, ut *Occam* in 2. d. 19. ad 3. *Petrus de Aliaco* in l. d. 14. *Almainus* 3. *Moml.* 20. (qui tamen ut probabilem eam tractat opinionem, postea eandem rejicit) arbitrantur, Deum in omnibus Juris naturæ & decalogi præceptis posse dispensare, eò quod omnia, quæ sub legem naturæ cadunt, ideo pro bonis vel malis habeantur, quia Deus eadem ut Legislatur vel præceperit, vel prohibuerit. Quid? quod *Occam* cum *Aliaco* eò procedit impietatis, ut non dubitet impiam illam proferre vocem, actum odii Dei posse rectè fieri & à Deo præcipi. Deinde sunt alii, qui Deum in quibusdam naturæ præceptis dispensare & non dispensare posse asserunt, quod non unò explicant modo. Quidam ut *Durandus* in l. d. 47. qu. 4. & *Major* in 2. d. 37. q. 10. distinguunt inter præcepta negativa & affirmativa, in quò tamen non conveniunt. *Major* enim negativa pro dispensabilibus habet excepto præcepto quinto de non occidendò homine. *Durandus* vero præceptum hoc quintum & dispensabile & indispensabile statuit pro diverso respectu. Si enim generaliter sumatur pro quavis hominis occisione, dispensabile esse affirmat, secus, si accipiat pro hominis occisione, prout eam ratio naturalis prohibet. Quoad affirmativa verò, de his pronunciat *Major*, quòd dispensationi sint obnoxia. Alii, ut *Biel* in 3. d. 37. q. 1. art. 2. distinguunt inter præcepta primæ ac secundæ Tabulæ, & ex illis indispensabilia statuunt duo priora præcepta de non colendo Deo alieno, & nomine Dei in vanum non adducendo, tertium, quatenus circumstantias quasdam involvit, dispensabile proclamant. In præceptis verò secundæ Tabulæ relaxationem concedunt, in quâ sententiâ & est *Durandus* l. c. Alii denique eam *Thomâ* in l. 2. q. 100. a. 2. pluribusque à *Tannero Theol. Schol. T. II. disp. V. q. 2. d. 4. f. 9. 9.* citatis statuunt, Deum ne quidem per absolutam suam potentiam in præceptis Juris naturæ & decalogi utriusque Tabulæ adæquatè spectatis posse dispensare, à quorum partibus & nos stamus. Cum enim objectum juris naturæ intrinsicè eam habeat bonitatem atq; malitiam ab eò prorsus inseparabilem, Deus per absolutam suam potentiam facere nequit, ut homines præcepta Juris naturæ adæquatè considerata transgrediendo nullo modo peccent & aberrant, multò minus contrarium ejus, quod lege naturali est constitutum, præcipiat. Ad hæc Deus non potest agere

contra Iustitiâ suâ, aut ab eadem deficere; quod tamen fieret, si quod intrinsicè esset malum approbaret, ac impune dimitteret. Neque quicquam omnipotentix divinæ decedit, licet, Deum non posse in his Legibus dispensare, dicatur. Adversæ partis sententiam quod concernit, ea hîc nititur fundamento, *Deum in præceptis Juris natura ideo posse dispensare, quia lex naturalis ab ipsius dependet arbitriô ac voluntate.* Idem enim hîc obtinere; quod in Magistratu circa dispensationem Legum observatur, existimant. Verum lubricum esse & infirmum valdè hoc fundamentum, quod bonitas vel malitia humanorum actuum ab auctoritate & prohibitione vel præcepto extrinsecò proveniat, patebit, si conferantur ea, quæ de obligationis in Jure naturali origine supra in §. 10. fuere adducta, ad quæ B. L. remittimus unicum hoc addentes, rationem illam solùm concludere, Leges divinâ voluntate sancitas à Deo posse mutari aut dispensari, sicut & leges, quæ Principis vel Magistratus arbitriô sunt constitutæ, aboleri queunt & dispensationi sunt expositæ. Alia verò ratio est Legum positivarum vel divinarum, vel humanarum, & alia legis naturalis. Earum enim obligatio à sola legislatoris, vel Dei vel Magistratus dependet voluntate, quod aliter se habet in Lege naturali. Deinde *Durandus* objicit, quod, sicuti Deus in naturalibus rerum conditiones sæpius mutaverit, ita & in moralibus posse rei bonæ vel malæ conditiones mutare. Sed &. (1) verùm id quidem esse, quod Deus naturales rerum conditiones sæpius mutârit, sed accidentales solùm ac extrinsecas, nequaquam intrinsicè vel essentielles, quas si mutasset, ipsa res simul periisset. (2) Conditiones bonitatis ac malitiæ in moralibus variari possunt, sed accidentales, non essentielles, quæ per se conveniunt. Neque juvant adversarios exempla è sacro Codice posita, quibus Deum in jure naturæ dispensasse probare satagunt. Distinguendum enim est cum *Tannero in Theol. Schol. T. II. diff. V. qu. 2. d. 4. f. 949.* inter dispensationem propriam ac impropiam acceptam, quæ est, quando removeretur aut remota declaratur obligatio à materiâ Legis inadæquatè spectatâ. Hinc, quando Deus dicitur dispensasse intelligendum id est de dispensatione impropria. Deus siquidem materiam legi naturæ subjectam & circumstantias extrinsecas ab eadem materiâ separabiles mutare vel tollere potuit, quibus mutatis cessat obligatio, & actio legi naturæ nequit esse repugnans, quæ tamen, iisdem



dem manentibus, fuisset contraria. Monendum denique est *Scilicet* aliosque vocem *relaxationis* vel *dispensationis* in latiori accepisse significatu pro *interpretatione* qualibet, *declaratione*, vel *abrogatione* Legis, quò sensu à nobis hic non consideratur, ut observat *Suarez l. c. de LL. c. 15. Conf. Tanner. c. l. Azor. l. VI. Inst. Moral. l. c. 1. §. 610.*

XXVII. Sequitur altera quæstio, *an homo possit in Lege naturali dispensare?* Quod quidam de principiis primis ac conclusionibus proximis negant, concedunt autem de reliquis. Negativa tamen videtur arripienda. Ut enim quis in Lege aliquà possit proprie dispensare, requiritur, ut ipse eà Lege sit superior, polleatque potestate LL. ferendi. Jam nullus hominum Jure naturali est superior, eum omnes eodem teneantur, ne excepta quidem Majestate, quæ soluta dicitur Legibus, non divinis & naturalibus, sed humanis. At verò, qui lege aliquà obligatur, is, eadem superior aut in eà dispensare, nequit dici. Ex quibus constat, Majestatem nullà ratione in Lege naturæ posse propriè dispensare, quod elegantibus describit verbis *Cic. l. 3. de Rep. apud Lactant. l. VI. Instit. c. 8.* cum inquit: *Huic legi non prorogatus est, nec derogare ex hac aliquid licet, nec tota abrogari potest, nec verò per senatum aut populum hac lege liberari possumus.* Hinc & patet, quò titulo Pontifex Romanus potestatem dispensandi in Lege naturæ sibi arroget, dum ex ficta omnipotentis suæ Majestate in gradibus *Lev. XVIII.* prohibitis pro lubitu dispensat, cujus rei luculentum exemplum tempora nostra præbuerunt, cum nuptias *Johannis Casimiri* Regis Poloniæ cum defuncti fratris *Uladislai IV.* viduæ *Mariæ* contractas ratas haberet *Innocentius X.* Nec proficiunt quicquam secus sentientes dicendo, hominem sua quidem auctoritate non posse dispensare in Lege naturæ, posse tamen auctoritate Dei, quò modò & inferior in superioris Legibus dispensare potest. Cum enim Deus non possit dispensare in Lege naturæ, quomodo homini eam concedere potuit facultatem, siquidem quod quis non habet, alteri dare non potest. Addendum tamen est, concedi posse, quodd homini dispensatio in Lege naturæ competat, si inadzquatè spectetur, i. e. si materia mutetur, & aliæ atque aliæ adjiciantur circumstantiæ, ut patet de circumstantiis legi naturali à jure humano additis in quibus homini licet dispensare.

TANTUM

